

龍騰虎擲

稼軒長短句卷之一

哨遍

秋水觀

蝸角闢爭左觸右蠻一戰連千里君試思
方寸此心微總虛空并包無際喻此理何
言泰山毫末從來天地一稊米嗟小大相
形鳩鵬自樂之二蟲又何知記跖行仁義
孔丘非更殤樂長年老彭悲火鼠論寒水
蠶語熟定誰同異噫貴賤隨時連城終
換一羊皮誰與齊萬物莊周吾夢見之正
商略遺篇翩然顧笑空堂夢覺題秋水有
客問洪河百川灌雨淫潦不辨涯涘於是
焉河伯欣然喜以天下之美盡在已渺滄
溟望洋東視陵迴向若驚嘆謂我非逢子
大方達觀之家未免長見悠然笑耳此堂
之水幾何其但清溪一曲而已

用前韻

一壑自專五柳笑人晚乃歸田里問誰知

寄趙昌甫
 陆游
 杳杳雙鵲鳴庭除，
 東陽吏乃復造化，
 紙窮字來此道苦，
 爾千里一士如鄰，
 小兒得祿初辦啄，
 我貧門起幸未須，
 過拜看幼安氣如虎，
 君一病遽已歸荒墟，
 吾曹覓寧待折簡，
 余寒更祝勤來起，
 時寄新詩。



弃疾自牒初去
 國候忽見冬

落詠之誠朝夕不替第錄驅馳到官即專意替捕日從事於兵車
 間
 倥傯略亡少暇

起居之間缺然不講非敢懈怠當蒙
 情亮也指吳會雲間未龜
 合并心旌所向坐以神馳

右謹具

呈

宣統郎新添祕閣修撰權江南西路提點刑公事辛 弃疾



高宗绍兴十年（1140），辛弃疾生于济南

靖康之难（1127）

绍兴十一年除夕，岳飞逝于风波亭，翌日，绍兴和议成

辛党掣签

山东忠义军——耿京

绍兴三十一年/正隆六年（1161），海陵王完颜亮南侵

绍兴三十二年，奉表南归，授右承务郎，后差江阴军签判

孝宗隆兴元年（1163），张浚北伐，宋军溃败

乾道元年（1165），奏进《美芹十论》，然上年末，隆兴和议成。六年，再进《九议》

鹧鸪天

有客慨然谈功名因追念少年时事戏作

壮岁旌旗拥万夫。锦襜突骑渡江初。燕兵夜娖银胡觥，
汉箭朝飞金仆姑。追往事，叹今吾。春风不染白髭须。
却将万字平戎策。换得东家种树书。

江淮两湖（1163-1181）

汉宫春

立春日

春已归来，看美人头上，袅袅春幡。无端风雨，未肯收尽余寒。年时燕子，料今宵、梦到西园。浑未办，黄柑荐酒，更传青韭堆盘。却笑东风从此，便薰梅染柳，更没些闲。闲时又来镜里，转变朱颜。清愁不断，问何人、会解连环。生怕见，花开花落，朝来塞雁先还。

江淮两湖（1163-1181）

水龙吟

登建康赏心亭

楚天千里清秋，水随天去秋无际。遥岑远目，献愁供恨，玉簪螺髻。落日楼头，断鸿声里，江南游子。把吴钩看了，阑干拍遍，无人会、登临意。休说鲈鱼堪脍，尽西风，季鹰归未。求田问舍，怕应羞见，刘郎才气。可惜流年，忧愁风雨，树犹如此。倩何人唤取，红巾翠袖，揜英雄泪。

江淮两湖（1163-1181）

鹧鸪天

送人

唱彻阳关泪未干。功名余事且加餐。浮天水
送无穷碧，带雨云埋一半山。今古恨，
几千般。只应离合是悲欢。江头未是风波恶，
别有人间行路难。

江淮两湖（1163-1181）

摸鱼儿

淳熙己亥，自湖北漕移湖南，同官王正之置酒小山亭，为赋。

更能消几番风雨。匆匆春又归去。惜春长怕花开早，何况落红无数。春且住。见说道、天涯芳草无归路。怨春不语。算只有殷勤，画檐蛛网，尽日惹飞絮。长门不事，准拟佳期又误。蛾眉曾有人妒。千金纵买相如赋。脉脉此情谁诉。君莫舞。君不见、玉环飞燕皆尘土。闲愁最苦。休去倚危栏，斜阳正在，烟柳断肠处。

带湖退居（1182-1192）

贺新郎

陈同父自东阳来过余，留十日。与之同游鹅湖，且会朱晦庵于紫溪，不至，飘然东归。既别之明日，余意中殊恋恋，复欲追路。至鹭鸶林，则雪深泥滑，不得前矣。独饮方村，怅然久之，颇恨挽留之不遂也。夜半投宿吴氏泉湖四望楼，闻邻笛悲甚，为赋《贺新郎》以见意。又五日，同父书来索词，心所同然者如此，可发千里一笑。

把酒长亭说。看渊明、风流酷似，卧龙诸葛。何处飞来林间鹊，蹙踏松梢微雪。要破帽、多添华发。剩水残山无态度，被疏梅料理成风月。两三雁，也萧瑟。佳人重约还轻别。怅清江、天寒不渡，水深冰合。路断车轮生四角，此地行人销骨。问谁使、君来愁绝。铸就而今相思错，料当初、费尽人间铁。长夜笛，莫吹裂。

带湖退居（1182-1192）

水调歌头

元日投宿博山寺，见者惊叹其老

头白齿牙缺，君勿笑衰翁。无穷天地今古，人在四之中。臭腐神奇俱尽，贵贱贤愚等耳，造物也儿童。老佛更堪笑，谈妙说虚空。坐堆氍，行荅飒，立龙钟。有时三盏两盏，淡酒醉濛濛。四十九年前事，一百八盘狭路，拄杖倚墙东。老境何所似，只与少年同。

鹧鸪天

博山寺作

不向长安路上行。却教山寺厌逢迎。味无味处求吾乐，材不材间过此生。宁作我，岂其卿。人间走遍却归耕。一松一竹真朋友，山鸟山花好弟兄。

带湖退居（1182-1192）

祝英台近

晚春

宝钗分，桃叶渡。烟柳暗南浦。怕上层楼，十日九风雨。断肠片片飞红，都无人管，更谁劝、啼莺声住。鬓边觑。试把花卜归期，才簪又重数。罗帐灯昏，哽咽梦中语。是他春带愁来，春归何处。却不解、带将愁去。

粉蝶儿

和晋臣赋落花

昨日春如十三女儿学绣。一枝枝不教花瘦。甚无情，便下得雨僝风僽。向园林、铺作地衣红绉。而今春似轻薄荡子难久。记前时、送春归后。把春波，都酿作，一江春酎。约清愁、杨柳岸边相候。

起知福州（1192-1194）

定风波

再用韵。时国华置酒，歌舞甚盛

莫望中州叹黍离。元和圣德要君诗。老去不堪谁似我。归卧。青山
活计费寻思。谁筑诗坛高十丈。直上。看君斩将更搴旗。歌舞
正浓还有语。记取。须髯不似少年时。

王归瓢泉（1194-1202）

贺新郎

邑中园亭，仆皆为赋此词。一日，独坐停云，水声山色，竞来相娱。意溪山欲援例者，遂作数语，庶几仿佛渊明思亲友之意云。

甚矣吾衰矣。怅平生、交游零落，只今余几。白发空垂三千丈，一笑人间万事。问何物、能令公喜。我见青山多妩媚，料青山见我应如是。情与貌，略相似。一尊搔首东窗里。想渊明、停云诗就，此时风味。江左沉酣求名者，岂识浊醪妙理。回首叫、云飞风起。不恨古人吾不见，恨古人、不见吾狂耳。知我者，二三子。

王归瓢泉（1194-1202）

贺新郎

别茂嘉十二弟

绿树听鹈鴂。更那堪、鹧鸪声住，杜鹃声切。啼到春归无寻处，苦恨芳菲都歇。算未抵、人间离别。马上琵琶关塞黑，更长门、翠辇辞金阙。看燕燕，送归妾。将军百战身名裂。向河梁、回头万里，故人长绝。易水萧萧西风冷，满座衣冠似雪。正壮士、悲歌未彻。啼鸟还知如许恨，料不啼清泪长啼血。谁共我，醉明月。

开禧晚节（1203-1207）

汉宫春

会稽秋风亭怀古

亭上秋风，记去年裊裊，曾到吾庐。山河举目虽异，风景非殊。功成者去，觉团扇、便与人疏。吹不断，斜阳依旧，茫茫禹迹都无。千古茂陵词在，甚风流章句，解拟相如。只今木落江冷，渺渺愁余。故人书报，莫因循、忘却莼鲈。谁念我，新凉灯火，一编太史公书。

开禧晚节（1203-1207）

永遇乐

京口北固亭怀古

千古江山，英雄无觅，孙仲谋处。舞榭歌台，风流总被，雨打风吹去。斜阳草树，寻常巷陌，人道寄奴曾住。想当年，金戈铁马，气吞万里如虎。元嘉草草，封狼居胥，赢得仓皇北顾。四十三年，望中犹记，烽火扬州路。可堪回首，佛狸祠下，一片神鸦社鼓。凭谁问，廉颇老矣，尚能饭否。